

## ANEKSI A

### **STATUTI I SHOQËRISË ME PËRGJEGJËSI TË KUFIZUAR “IPOST” Sh.p.k.**

#### **KAPITULLI I EMËRTIMI, FORMA, SELIA, OBJEKTI DHE KOHËZGJATJA**

##### **Neni 1 – Emërtimi dhe Forma e Shoqërisë**

- 1.1 Shoqëria emërtohet “IPOST” Sh.p.k. dhe themelohet në formën e shoqërisë me përgjegjesi të kufizuar (në vijim “Shoqëria”).
- 1.2 Shoqëria themelohet në bazë të legjisacionit shqiptar dhe do të ushtrojë aktivitetin në përputhje me legjisacionin Shqiptar, Aktin e Themelimit dhe dispozitat e Statutit.
- 1.3 Shoqëria ka vulën dhe logon e saj zyrtare.

##### **Neni 2 – Selia**

- 2.1 Selia e Shoqërisë është në adresën *Ruga “Irfan Tomini”, Hyrja – 1, Apartamenti N2. , Tiranë, Shqipëri, Zona kadastrale Nr. 8260, Numri i Pasurise 3/277-N2, Volumi 25, Faqe 13.*
- 2.2 Shoqëria mund të ketë zyra, degë, zyra përfaqësimi dhe agjenci si në adresë tjetër në Shqipëri ashtu edhe jashtë saj.
- 2.3 Asambleja e Përgjithshme mund të çelë, transferojë dhe/ apo mbyllë, si në Shqipëri ashtu edhe jashtë saj, degë dhe/ ose zyra përfaqësimi. Ndërsa, Administratori i Shoqërisë mund të çelë, transferojë dhe/ apo mbyllë, si në Shqipëri ashtu edhe jashtë saj, seli sekondare, filiale dhe/ ose agjencive.

##### **Neni 3-Objekti**

- 3.1 Shoqëria ka si objekt të veprimitarisë së saj:

Poste e shpejte, marrjen, grumbullimin dhe shperndarjen e kolive, pakove dhe zarfave normale dhe ekspres te gjitha llojeve dhe madhesive, brenda dhe jashtë territorit te Republikës se Shqiperise me anë te transportit tokesor, ajror, detar dhe ujra te brendshme.

Transport i porositur, transport i kombinuar, te veproje si agjent dergues dhe transportues.

Agjenci doganore, magazinim doganor, sherbime doganore, sherbime magazinimi, sherbime arkivimi.

Veprimitari e agjentit per sherbimin e pagesave per te tretet ne emer dhe per llogari te nje subjekti finanziar jobanke. Veprimitari e agjentit komisioner.

Shoqeria mund te ndermarre dhe zhvilloje cdo lloj aktiviteti me qellim tregtar, finanziar, qiradhene apo dorezanes, qe i vlereson te dobishme apo te nevojshme per arritjen e qellimeve te veprimtarise se saj.

Furnizim me karburant te mjetete te vete shoqerise.

Perfaqesimi ne Shqiperi i shoqerive te huaja dhe shqiptare dhe i ndermarrjeve qe kane objekt te njejtë apo te perafert dhe bashkepunimi me to ne cfaredo lloj forme, etj.

Menaxhimi i pronave te veta dhe apo i pronave te paleve te treta te huaj apo vendas, Import-eksport dhe tregtim i artikujve te ndryshem, industriale, mirembajtja, shitja me shumice e pakice e pajisjeve elektrike, elektronike, lende te pare per industrine, materiale ndertimi e hidrosanitare, pajisje zyrash, kancelari, pjese kembimi auto e makineri te cdo lloji, pajisje teknologjike, etj.

Shitja, blerja, dhenia apo marrja me qira e pasurive te luajtshme dhe te paluajtshme.

Transport i mallrave dhe udhetareve brenda dhe jashte vendit. Zhvillimi i udhetimeve turistike dhe shitja e paketave turistike.

Te kryeje keshillime, trajnime si dhe asistence teknike ne dobi te organizatave, bizneseve ose individeve qe kerkojne asistence te specializuar apo synojne rritjen dhe permiresimin e performances se veprimtarise se tyre;

Cdo veprimitari tjetër që do të konsiderohet e nevojshme dhe e dobishme për realizimin e qëllimit të Shoqërisë dhe që nuk bie ndesh me legjislacionin shqiptar në fuqi.

- 3.6 Për realizimin e objektit të veprimtarisë së saj, Shoqëria mund të kryejë gjithashtu, si aktivitet ndihmës dhe jo parësor, të gjitha veprimet mbi pasuri të luajtshme dhe të paluajtshme, industriale, financiare dhe tregtare, në Shqipëri si dhe jashtë saj, në masën që vlerësohet e dobishme dhe/ose e përshtatshme nga organi administrativ dhe mundet gjithashtu të marrë përsipër, gjithmonë për qëllime ndihmëse, pjesëmarrje në kapitalin themeltar të shoqërive ose ndërmarrjeve dhe ose entiteteve të tjera me objekt të ngjashëm, të afërt ose të lidhur me të vetin, në përputhje me dispozitat ligjore në fuqi, si dhe çdo aktivitet tjetër të lejuar nga ligjet në fuqi.
- 3.7 Të gjitha veprimtaritë e përkruara më sipër mund të zhvillohen si në Shqipëri ashtu edhe jashtë saj.
- 3.8 Shoqëria mund të bashkëpunojë dhe/ose blejë/përfitojë direkt ose indirekt pjesëmarrje, në shoqëri, ndërmarrje, agjenci apo sipërmarrje të tjera, të cilat kanë fushë veprimtarie të ngjashme.
- 3.9 Gjithashtu, Shoqëria mund të kryejë çdo veprim apo operacion tjetër që ka të bëjë me pronën e paluajtshme, të luajtshme, çdo veprim apo operacion tjetër komercial, industrial e finanziar, të dobishëm apo plotësues ndaj përbushjes së objektit të Shoqërisë, me kusht që aktivitetet e mësipërme të mos jenë në kundërshtim dhe mos alterojnë objektin parësor të veprimtarisë së Shoqërisë.

#### **Neni 4 – Kohëzgjatja e Shoqërisë**

- 4.1 Shoqëria themelohet dhe ushtron veprimtarinë e saj për një kohëzgjatje të pakufizuar.
- 4.2 Shoqëria mund të prishet në çdo moment me vendim të Asamblesë së Përgjithshme.

### **KAPITULLI II KAPITALI, KONTRIBUTET, NDARJA DHE TRANSFERIMI I KUOTAVE TË SHOQËRISË**

#### **Neni 5 – Kapitali dhe Kuotat**

- 5.7 Kapitali themeltar i Shoqërisë është **3,000,000** (Tre milion) **LEKË** i cili është i ndarë në 3 (tre) kuota, nga një për secilin ortak të Shoqërisë.
- 5.8 Kapitali i Shoqërisë zotërohet nga Ortakët e mëposhtëm:
  - 1) **Znj. Dorina Menkulasi**, zotërues i 1 (një) kuote të Shoqërisë, me vlerë 1,500.000 Lekë ( Nje milion e peseqind mijë) Lekë, qe përfaqëson **50% (pesedhjete përqind)** të kapitalit themeltar, me të drejtë vote;
  - 2) **Znj. Tatjana Ferati**, zotërues i 1 (një) kuote të Shoqërisë, me vlerë 900.000 Lekë (nëntë qind mijë) Lekë, qe përfaqëson **30% (tridhjet përqind)** të kapitalit themeltar, me të drejtë vote;
  - 3) **Z. Indrit Gripshi** zotërues i 1 (një) kuote të Shoqërisë, me vlerë 600.000 Lekë ( gjashtëqind mijë) Lekë, qe përfaqëson **20% ( njezet përqind)** të kapitalit themeltar, me të drejtë vote;
- 5.1 Kapitali themeltar është nënshkruar dhe shlyer plotësisht me kontribute në para nga Ortakët me themelin e Shoqërisë.
- 5.2 Përgjegjësia e Ortakëve te Shoqërisë shtrihet deri në shumën e kontributit të tyre në kapitalin e Shoqërisë.
- 5.3 Shoqëria mund të marrë nga Ortakët hua dhe financime në favor të saj, me apo pa pagesë, me ose pa detyrim rimbursimi në përputhje me legjislacionin në fuqi.
- 5.4 Adresat e Ortakëve dhe administratorëve për marrëdhëniet e tyre me Shoqërinë, janë adresat që rezultojnë nga statuti ose akti i emërimit të tyre dhe ndryshimet nëse ka pasur më vonë.

#### **Neni 6 – Zmadhimi dhe Zvogëlimi i kapitalit të Shoqërisë**

- 6.1 Rritja e kapitalit mund të kryhet me vendim të Asamblesë, kurdo dhe për më shumë se një herë, përmes kontributit në para apo në natyrë apo me kredi, në zbatim të dispozitave ligjore.
- 6.2 Rritja e kapitalit konsiderohet e kryher në momentin kur kuotat e emetuara dhe të nënshkruara më parë janë shlyer tërësisht.
- 6.3 Zvogëlimi i kapitalit të Shoqërisë mund të kryhet me vendim të Asamblesë, në përputhje me dispozitat ligjore në fuqi. Në çdo rast kapitali i Shoqërisë nuk mund të zvogëlohet nën minimumin e parashikuar me ligj.
- 6.4 Zvogëlimi i kapitalit mbartet prej secilit ortak proporcionalisht me kuotat që ai ka në kapitalin e Shoqërisë.

#### **Neni 7 – Transferimi i Kuotave**

- 7.1 E drejta e pronësisë mbi kuotat është lirisht e transferueshme tek të tretët në përputhje me dispozitat e Ligjit nr.9901, datë 14 mars 2008 “Për tregtarët dhe shoqëritë tregtare”, i ndryshuar.
- 7.2 Me përjashtim të rastit kur me vendim të Asamblesë së Përgjithshme parashikohet ndryshe, Ortakët nuk mund të vënë peng, barrë siguruese ose çfarëdolloj barre tjetër mbi kuotat e Shoqërisë dhe as mbi asetet e saj që fitohen gjatë Kohëzgjatjes së Shoqërisë me qëllim të realizimit të Projektit të lartpërmendur .
- 7.3 Me përjashtim të rastit kur me vendim të Asamblesë së Përgjithshme parashikohet ndryshe, nuk mund të transferohet e drejta e pronësisë mbi kuotat e Shoqërisë nga asnjëri prej Ortakëve tek palët e treta nëpërmjet (i) një akti dhurimi/ pa pagesë inter vivos, (ii) një akti shkëmbimi (ex neni 757 i Kodit Civil), (iii) një kontributi në Shoqëri të tretë ose (iv) çfarëdolloj akti tjetër që drejtëpërsëdrejti ose indirekt realizon transferimin e pronësisë së ortakëve të Shoqërisë tek të tretët.
- 7.4 Kuotat e Shoqërisë janë të transferueshme inter vivos, kundrejt pageses, sipas procedurës së përcaktuar nga paragrafët në vijim te këtij neni, duke konsideruar ndalimin/përjashtimin nga transferimi sipas pikës 7.2 më sipër.
- 7.5 Ortaku që synon të transferojë të drejtët e pronësisë mbi kuotën që zotëron (në vijim “**Ortaku Shitës**”), duhet të njoftojë paraprakisht me shkrim të gjithë Ortakët e tjerë (në vijim “**Ortakët e Tjerë**”) nëpërmjet një letre rekomande me njoftim marrjeje (në vijim “**Njoftimi**”) të dërguar në adresën përkatëse të Ortakëve. Njoftimi duhet të përbajë çmimin e kalimit të kuotës.
- 7.6 Ortakët e Tjerë do të kenë të drejtë të blejnë kuotën e ofruar, me të njëjtin çmim sikurse të përcaktuar në Njoftim dhe në asnjë rast, përvçese kur pala përkatëse bie dakord në formë të shkruar, palës së tretë nuk do t'i ofrohen kushte më të favorshme shitje në krahasim me ato që i ofrohen ortakëve të tjerë të Shoqërisë. Nëse cilido prej Ortakëve të Tjerë synon të ushtrojë të drejtët e parablerjes, duhet të njoftojë Ortakun Shitës me

letër rekomande me njoftim marrjeje brenda 15 (pesëmbëdhjetë) ditëve nga data e marrjes së Njoftimit. Në të kundërt, do të konsiderohet se është hequr dorë prej së drejtës së parablerjes.

- 7.7 Nëse më shumë se një prej Ortakëve të Tjerë ka ushtruar të drejtën e parablerjes, kuotat e ofruara do të blihen prej tyre në përpjesëtim me kuotat përkatëse që ata zoterojnë në Shoqëri me te njëjtat kushte dhe afate te propozuar nga i treti, Ortaku Shitës.
- 7.8 Nëse asnje prej Ortakët të Tjerë nuk ushtron të drejtën e parablerjes brenda afatit të sipershënuar, Ortaku Shitës do të jetë i lirë të shesë/transferojë tek i treti kuotën e përcaktuar në Njoftim, i cili duhet të përbajë: (i) emrin e të tretit blerës, (ii) çmimin për transferimin e kuotës. Transferimi i kuotës së zotruar nga ortaku do të kryhet vetëm pas miratimit unanim nga Asambleja të çmimit të shitjes dhe i palës blerëse, i cili nuk duhet të jetë më i ulët nga ai i përcaktuar në nenin 7.4. Miratimi nga Asambleja nuk do të vonohet apo pengohet pa shkaqe të arsyeshme, të cilat mund të lidhen vetëm me rregullsinë e transaksionit.
- 7.9 Kushtet e parashikuara më sipër nuk do të zbatohen në rast transferimi të kuotave nga një Ortak tek një Shoqëri e cila ndodhet nën kontrollin e këtij Ortaku ose kontrollon këtë ortak ose në rast transferimi nga një Ortak tek një pasardhës ose paraardhës i drejtpërdrejtë i tij ose tek bashkëshorti, nëse është dhënë pëlqimi me shkrim nga të gjithë Ortakët e shoqërisë. Në këtë Statut, fjala “kontroll” ka të njëjtin kuptim të përdorur në ligjin tregtar.

### **KAPITULLI III** **ASAMBLEJA E ORTAKËVE, ADMINISTRATORËT DHE EKSPERTI KONTABËL I** **AUTORIZUAR**

#### **Neni 8 – Asambleja e Përgjithshme, të drejtat e pjesëmarrjes dhe votës, thirrja**

- 8.1 Organi vendimmarrës i Shoqërisë është Asambleja e Përgjithshme, në të cilën marrin pjesë të gjithë ortakët e Shoqërisë.
- 8.2 Secili ortak ka të drejtën të marrë pjesë në Asamblenë e Përgjithshme, të shpreh mendimin e tij dhe të japë votën, për aq sa ç'është përqindja e zotruar prej tij në kapitalin e Shoqërisë.
- 8.3 Secili ortak ka të drejtën të përfaqësohet nga një person tjeter, edhe jo ortak, i pajisur me një prokurë të thjeshtë, përmes së cilës do të mund të shprehë votën e vet. Në çdo rast, prokura do të mund të lëshohet vetëm për një Asamble ortakësh, dhe është e vlefshme për thirrjen e parë dhe të dytë.
- 8.4 Ortaku nuk mund të japë prokurë vote për një pjesë të kuotës së zotruar prej tij, nëse voton personalisht për një pjesë të tyre.

- 8.5 Asambleja e Përgjithshme mund të thirret edhe jashtë selisë së Shoqërisë në Shqipëri apo jashtë saj. Pranohet mundësia që Asambleja e Përgjithshme të zhvillohet me video/telekonferencë, me kusht që të gjithë pjesëmarrësit të mund të identifikohen, t'u mundësohet të ndjekin bisedën, të ndërhyjnë e jalin mendimet e tyre në kohë reale lidhur me trajtimin e argumenteve dhe të votojnë në të njëjtën kohë mbi pikat e rendit të ditës. Pas verifikimit të elementeve të mësipërme, të cilat duht të pasqyrohen në procesverbalin e mbledhjes, mbledhja do të quhet e zhvilluar në vendin ku Kryetari i mbledhjes dhe Sekretari, njëkohësisht kanë qenë të pranishëm.
- 8.6 Asambleja e Përgjithshme mund të thirret prej Administratorit/ve, në rastin kur është e nevojshme për interesat e Shoqërisë apo kur kërkohet nga ligji, sikurse edhe nga një apo më shumë ortakë të cilët përfaqësojnë të paktën 5% (pesë për qind) të kapitalit të Shoqërisë përmes një kërkësë të shkruar drejtuar Administratorit/ve. Në çdo rast, Asambleja e Përgjithshme duhet të mblidhet të paktën një herë në vit brenda muajit të gjashtë të vitit finanziar, me qëllim që të diskutojë, analizojë dhe miratojë bilancin vjetor, raportin e administratorit dhe të ekspertit kontabël të autorizuar (nëse është emëruar).
- 8.7 Asambleja e Përgjithshme duhet të thirret përmes një letre rekomande me kthim përgjigje apo me postë elektronike dërguar në adresën e tyre të banimit apo në adresën e tyre elektronike, të paktën 7 (shtatë) ditë përpëra ditës së përcaktuar për zhvillimin e Asamblesë.
- 8.8 Njoftimi duhet të përbajë rendin e ditës dhe të tregojë datën, vendin dhe orën ku do të zhvillohet mbledhja e Asamblesë dhe eventualisht edhe datën, vendin dhe orën e mbledhjes së dytë, nëse e para nuk arrin të mblidhet.
- 8.9 Asambleja e Përgjithshme konsiderohet si e thirrur në mënyrë të vlefshme dhe e mbledhur edhe nëse të gjitha formalitetet që kanë të bëjnë me thirrjen e saj nuk janë respektuar, me kusht që i gjithë kapitali i Shoqërisë të jetë i pranishëm apo i përfaqësuar me prokurë dhe që të gjithë ortakët të pranojnë të marrin vendim pavarësisht parregullsisë së thirrjes.
- 8.10 Nëse përmbushen këto kushte, Asambleja e Përgjithshme konsiderohet si e zhvilluar në vendin ku ndodhet Kryetari i mbledhjes dhe ku gjithashtu duhet të ndodhet edhe Sekretari, në mënyrë që të aprovojnë hedhjen dhe nënshkrimin e verbalit mbi librin përkatës.
- 8.11 Në thirrjen e mbledhjes së Asamblesë e Përgjithshme duhet të jenë të përcaktuar vendet, edhe jashtë selisë së Shoqërisë, të lidhur me video/telekonferencë nën kujdesin e Shoqërisë, ku ortakët do të mund të mblidhen.
- 8.12 Asambleja e Përgjithshme kryesoitet nga një Kryetar i emëruar nga ortakët e pranishëm apo të përfaqësuar në Asamble. Nëse prania e një noteri nuk është e kërkuar nga kuadri ligjore ligjore në fuqi, Asambleja zgjedh një Sekretar, i cili mund edhe të mos jetë ortak.
- 8.13 Kryetari i Asamblesë së Përgjithshme ka të drejtë të plotë të verifikojë prokurat dhe vlefshmërinë e tyre, të drejtën e Përgjithshme dhe përfaqësuesve të tyre për të marrë pjesë në Asamble dhe të vendosë nëse kjo e fundit është mbledhur në mënyrë të rregullt dhe nëse kuorumi i nevojshëm për të marrë vendime është arritur vlefshmërisht. Kryetari ka edhe të

drejtën të kryesojë bisedimet dhe të marrë vendime mbi rregullat dhe procedurat lidhur me votën.

- 8.14 Vendimet, procesverbalet dhe lista e pjesëmarrësve të Asamblesë duhet të përgatiten menjëherë pas Asamblesë dhe duhet të nënshkruhen prej Kryetarit dhe Sekretarit të Asamblesë, sikurse edhe prej noterit, kur kjo kërkohet nga kuadri ligjor në fuqi. Lista e pjesëmarrësve i bashkëlidhet procesverbalit të mbledhjes si dhe cdo dokumentacion tjetër në lidhje me vendimmarrjen e Asamblesë së Përgjithshme. Administratori/ët, éshtë/janë përgjegjës për mbajtjen e kopjes së dokumentacionit të sipërcituar.

### **Neni 9 –Kompetencat e Asamblesë dhe Kuorumi**

- 9.1 Asambleja e Përgjithshme vendos mbi çështjet e mëposhtme:
- zmadhimin ose zvogëlimin e kapitalit themeltar;
  - ndryshimi i statutit të Shoqërisë;
  - transformimin, ndarjen, bashkimin, likuidimin ose prishjen e Shoqërisë, si dhe riorganizimin e saj në çdo formë tjetër;
  - pjestimin e kuotave të Shoqërisë dhe anullimin e tyre;
  - përcaktimin e politikave tregtare të Shoqërisë dhe planin strategjik të zhvillimit dhe mbikëqyr zbatimin e tyre nga Administratori, përfshirë raportimet financiare;
  - miratimin e buxhetit vjetor dhe planit të biznesit të Shoqërisë dhe çdo ndryshim të tyre;
  - miratimin e pasyrave financiare në mbyllje të çdo viti ushtrimor dhe raportet e ecurisë së veprimtarisë të përgatitura nga Administratori;
  - miratimin e shpérndarjes e fitimeve vjetore;
  - miratimin e planit vjetor të auditimit të brendshëm të Shoqërisë të hartuar nga Departamenti i Auditit në varësi të Ortakut të Vetëm;
  - emërimin dhe shkarkimin e Administratorit dhe Drejtuesit/Menaxhët e lartë të Shoqërisë, si dhe përcaktimin e shpérblimeve përkatëse;
  - emërimin dhe shkarkimin e ekspertëve kontabël dhe/ose likuiduesve dhe përcaktimin e shpérblimeve përkatëse;
  - miratimin e degëve dhe zyrave të përfaqësimit të Shoqërisë brenda dhe jashtë vendimit;
  - miratimin e themelimit të shoqërive të reja të Shoqërisë brenda dhe jashtë vendit;
  - miratimin e krijimit të Joint Ventures dhe bashkëpunimeve të cilit do lloji qofshin që kanë të bëjnë me investim, financim, fitim të drejtash apo pjesëmarrjesh në projekte ekzistuese apo të reja;
  - blerjen dhe shitjen e pjesëmarrjeve në shoqëri të tjera, si dhe dhënien e kontributit në kapitalin e shoqërive të tjera;
  - miratimin e kërkesave të reja dhe vendosjen për rinovim të kërkesave ekzistuese për financim;
  - vendosjen e barrëveve, hipotekës, pengut apo garanci të çdo lloji tjetjër mbi pasuritë e Shoqërisë;
  - dhënien e çdo garancie korporative ose nënshkrimin e çdo marrëveshje të tjetër për të siguruar përbushjen e detyrimeve financiare ose jo financiare ndaj të tretëve;
  - shitjen e ndërmarrjes ose degëve të ndërmarrjes;
  - shitjen, blerjen apo shkëmbimin e pasurive të paluajtshme dhe nënshkrimin e kontratave të sipërmarrjes në lidhje me to, duke përashtuar këtu shitjet e



- njësive/objekteve të banimit dhe/ose shërbimit tek klientët e interesuar sipas një plan biznesi të miratuar përkatësisht për çdo projekt imobiliar;
- u. akordimin e huave ose paradhënieve për Administratorët ose Drejtuesit/Menaxherë e lartë për nevoja personale;
  - v. miratimi i blerjeve, shitjeve, nënshkrimi i kontratave me palë të treta për punë, shërbime apo çdo lloj marrëdhënie tjeter për një vlerë mbi 100.000 EUR (një qind mijë Euro);
  - w. investimet (CAPEX) e paparashikuara apo në devijim të buxhetit vjetor të Shoqërisë, mbi një vlerë 50.000 EUR (pesëdhjetë mijë Euro);
  - x. shpenzimet (OPEX) e paparashikuara apo në devijim të buxhetit vjetor të Shoqërisë mbi një vlerë 20.000 EUR (njëzet mijë Euro);
  - y. miratimin e rregullores/ve së brendshme të Shoqërisë;
  - z. çështje të tjera të parashikuara nga ligji apo Statuti.
- 9.2 Asambleja e Përgjithshme thirret dhe mund të marrë vendime në mënyrë të vlefshme në përputhje me dispozitat e Ligjit nr. 9901, datë 14 mars 2008 “Për tregtarët dhe shoqëritë tregtare”, i ndryshuar.
- 9.3 Në rast se Asambleja e Përgjithshme nuk mblidhet me thirjen e parë për mungesën të kuorumit te Ortakeve, Asambleja e Përgjithshme do të thirret sërisht brenda 7 (shtatë) ditësh me të njëjtin rend dite.

#### **Neni 10 – Administratori/ët**

- 10.1 Shoqëria administrohet nga një ose më shumë Administratorë. Në rast se ka më shumë se një Administrator, Administratorët do të veprojnë bashkarisht përvçese kur parashikohet ndryshe në aktin e emërimit të tyre. Administratorët do të qëndrojnë në detyrë deri në shkarkim apo dorëheqje ose për një periudhë 5 (pesë) vjeçare, me mundësi rizgjedhje. Nëse Asambleja e Përgjithshme nuk merr vendim përpara mbarimit të afatit në detyrë, mandati i tyre do të rinovohet automatikisht edhe për një vit tjeter.
- 10.2 Administratori/ët përfaqëson/jnë ligjërisht Shoqërinë. Administratori ushtron të gjitha fuqitë e administrimit të zakonshëm dhe të jashtëzakonshëm të Shoqërisë, në përputhje me nenin 95 të Ligjit nr. 9901, datë 14 mars 2008 “Për tregtarët dhe shoqëritë tregtare”, i ndryshuar, dhe vendimet e Asamblesë së Përgjithshme. Për më shumë qartesi, Administratori/ët përvç kompetencave të parashikuara në Ligjin për Shoqëritë Tregtare përmes këtij Statutit, ka të drejtë të:
- a. kryejë blerjet, shitjet, nënshkrimin e kontratave me palë të treta për mallra, punë, shërbime apo çdo lloj marrëdhënie tjeter e cila nuk është nën përgjegjësinë direkte të Asamblesë së Përgjithshme deri në vlerën e barabartë me 10.000 EUR (dhjete mijë Euro);
  - c. kryejë investimet (CAPEX) e paparashikuara apo në devijim të buxhetit vjetor të Shoqërisë deri në një vlerë të barabartë me 5.000 EUR (pesë mijë Euro), për çdo trasaksion apo në agregat, mbi këtë vlerë do të merret miratimi i Asamblesë së Përgjithshme të Shoqërisë;

- d. kryejë shpenzimet (OPEX) e paparashikuara apo në devijim të buxhetit vjetor të Shoqërisë deri në një vlerë të barabartë me 5.000 EUR (pese mijë Euro), për çdo trasaksion apo në agregat, mbi këtë vlerë do të merret miratimi i Asamblesë së Përgjithshme të Shoqërisë;
  - d. hartojë procedurat e brendshme, urdhërat dhe udhëzimet që duhet të dalin në zbatim të këtij Statutit dhe/ose rregulloreve të brendshme të miratuar nga Asambleja e Përgjithshme e Shoqërisë.
- 10.3 Administratori/ët mund të emërojë/në përfaqësues me prokurë speciale (“ad negotia”) për kryerjen e një akti ose kategori aktesh në kufijtë e tagrave që u janë dhënë atyre nga ligji në fuqi ose ky Statut.

#### **Neni 11 – Eksperti kontabël i autorizuar**

- 11.1 Nëse kërkohet nga ligji apo një vendim i tillë merret nga Asambleja e Përgjithshme, kontrolli i bilanceve dhe librave kontabël të Shoqërisë do t'i besohet një apo më shumë ekspertëve kontabël të autorizuar.
- 11.2 Eksperti kontabël i autorizuar mund të revokohet në çast në bazë të kushteve të përcaktuara nga ligjet në fuqi.

### **KAPITULLI IV VITI FINANCIAR, BILANCI VJETOR DHE SHPËRNDARJA E FITIMEVE**

#### **Neni 12– Viti finanziar dhe bilanci vjetor**

- 12.1 Viti finanziar fillon më 1 janar dhe përfundon më 31 dhjetor.
- 12.2 Viti i parë finanziar fillon në datën e regjistrimit të shoqërisë në Qendrën Kombëtare të Biznesit, dhe përfundon më 31 Dhjetor, të të njëjtit vit.
- 12.3 Bilanci dhe raporti i ecurisë i hartuar prej Administratorit dhe raporti që, eventualisht, hartohej prej ekspertit kontabël të emëruar, miratohen prej Asamblesë së Përgjithshme.
- 12.4 Miratimi i dokumenteve lidhur me vitin ushtrimor duhet të kryhet brenda 6 (gjashtë) muajve nga përfundimi i vitit finanziar.

#### **Neni 13 – Fitimet**

- 13.1 Fitimet neto që rezultojnë nga bilanci vjetor, pasi janë zbritur të gjitha shumat që Asambleja ka vodosur të vërë mënjanë, i shpërndahen Përgjithshme proporcionalisht me kuotat në kapitalin e Shoqërisë që ata kanë respektivisht.
- 13.2 Asambleja, gjithashtu, mund të vodosë të mbajë shuma të caktuara si rezerva, apo të shtyjë shpërndarjen e fitimeve – tërësisht apo pjesërisht – në vitet ushtrimore pasardhës.

## **KAPITULLI V** **SHPËRNDARJA DHE LIKUIDIMI I SHOQËRISË**

### **Neni 14 – Shpërndarja**

- 14.1 Shoqëria shpërndahet në përfundim të afatit të saj parashikuar në Statut apo edhe përpara këtij afati, në rastet e parashikuar nga ligji apo me vendim të Asamblesë së Përgjithshme, me shumicën e parashikuar për modifikimin e Statutit të Shoqërisë.
- 14.2 Shoqëria nuk shpërndahet në rast paaftësie, vdekjeje apo falimentimi të ortakëve.

### **Neni 15 – Likuidimi**


- 15.1 Në rast shpërndarjeje Shoqëria do të kalojë në likuidim
- 15.2 Për të administruar këtë procedurë, Asambleja e Përgjithshme do të emërojë një apo më shumë likuidatorë, të cilët do të paraqesin raportin përfundimtar mbi gjendjen e pasivit dhe aktivit të Shoqërisë, mbi veprimet e likuidimit dhe kohën e nevojshme për të përfunduar likuidimin.
- 15.3 Në përfundim të procedurës së likuidimit, Asambleja e Përgjithshme do të marrë vendim në lidhje me bilancin financier përfundimtar, mbi vlefshmërinë e punës së kryer prej likuidatorit dhe mbi përfundimin e procedurës së likuidimit, si dhe në lidhje me riinvestimin eventual në Biznes Social të të ardhurave që i shpërndahen aksionarëve pas likuidimit, nga investimet e tyre në kapitalin e shoqërisë, duke përcaktuar edhe modalitetet e nevojshme për riinvestimin.
- 15.4 Pas kryerjes së pagesës së kreditorëve/ëve dhe térheqjes së kredive, likuidatori/ët do të shpërndajë të ardhurat përfundimtare të likuidimit tek ortakët, proporcionalisht me kuotat që ata respektivisht kanë në kapitalin e Shoqërisë.

## **KAPITULLI VI** **DISPOZITA TË FUNDIT**

### **Neni 16 – Zgjidhja e mosmarrëveshjeve**

- 16.1 Të gjitha mosmarrëveshet që lindin nga ose në lidhje me interpretimin ose zbatimin e këtyre dispozitave Statutore, midis ortakëve ose midis një ose më shumë ortakëve dhe Shoqërisë, do të zgjidhen me marrëveshje midis palëve të interesuara. Në rast se nuk arrihet një zgjidhje me marrëveshje, palët do të mund t'i drejtohen Gjykatës së Rrethit Gjyqësor Tiranë.

### **Neni 17 – Dispozitat ligjore në fuqi**

Three handwritten signatures are displayed side-by-side, likely belonging to the members of the Board of Directors mentioned in the document.

17.1 Për gjithçka që nuk parashikohet në këtë Statut, zbatohen dispozitat ligjore në fuqi.

Tirane, më datë 23 Gusht 2021

**ORTAKËT NËNSHKRUES  
TË  
AKTIT TË THEMELIMIT DHE TË STATUTIT TË SHOQËRISË ME PËRGJEGJËSI  
TË KUFIZUAR  
“IPOST” SH.P.K**

Znj.Dorina Menkulasi

Znj. Tatjana Ferati

Z Indrit Gripshi

Dorina Menkulasi



Tatjana Ferati



Indrit Gripshi